

2-вѣрецъ — близъ есть ереси. Ты же, чадо, блюди ся ихъ и свою вѣру не преста[л. 26 об.]нно хвали. Ни своіа к нимъ, но бѣгаі ихъ і подвизаіа въ своі вѣре добрыми дѣлы, милостынею милуі ни токмо своя вѣры, но и чюжия. Аще ли видиши нага, или голодна или зимою или бѣдою одержима, аще ли ти будетъ жидовинъ, или срацинъ, или болгаринъ, или еретикъ, или латинянинъ, или от ото всѣхъ поганыхъ, — всякого помилуі и от бѣды избави я, яже можеша, і мзды от Бога не лишен будеша: Богъ бо и самъ нынѣ поганяныя набдит, яко же и крестьяныя. Поганымъ же иновѣрцемъ в семь вѣце попеченье от Бога, а в буду[л. 27]щемъ же будутъ чюжи добрыя дѣтели. Мы же живуще во правовѣрнѣи вѣре, здѣ есмь набдимы Богомъ, а в будущемъ вѣце спасаеми Господомъ нашимъ Ісусъ Христомъ. Рече же ми отецъ мой: чадо, аще ти ся случитъ умрети по святѣи сеі вѣре і Господа ради, то умри с дерзновеньемъ за вѣру Христову. Святїи бо по вѣре умроша, да живи сущи о Христвѣ. Ты же, чадо, аще узриши нѣкїа иновѣрныя с вѣрными проудѣюща, лествю хотяща отвести от правыя вѣры, ты же вѣдая не скрый в собѣ, но помози правовѣрнымъ. Аще имъ поможеша, то яко овча избавиши от усть лвовыхъ. [л. 27 об.] Аще ли умолчиши, то яко отемъ у Христа, предаеши ихъ сотонѣ. Аще ти речеть прѣць: „Сию вѣру і ону Богъ даль есть“. Ты же, чадо, рци то: „Ты, кривовѣренъ, мниши Бога 2-евѣрна! То не слышиши ли, окаанне, развращене злыя вѣры, — Писанье глаголетъ: единъ Богъ, едина вѣра, едино крещенье. Речеть Господъ: „Тако бо лѣпо есть намъ і скончати всю правду“, — да все се ісполнив, то ли вознесеша і ученики посла на проповѣданье. Ты же, по проповѣданью апостольскому толико лѣт державъ правую вѣру, совратилъ еси на зловѣрье по наученью сотони[л. 28]ну. Не слышите ли апѣстола Павла глаголюща: „Аще

дабаеши же хвалити чюже вѣры. Аще ли хвалитъ кто чюжою вѣру, то обрѣтаеши свою вѣру хуля. Аще ли начнетъ непрѣстанно хвалити и свою і чюжою, то обретаеши таковой двовѣрье держа і близъ есть ереси. Ты же, чадо, такихъ дѣяний блюди ся, ни присвои ся к нимъ, нѣ бѣгай от нихъ, яко же можеша, и свою вѣру едину непрѣстанно хвали, подвижася въ ней добрыми дѣлы; милостынею же милуі не токмо своя вѣры, нѣ и чюжея; аще ли видиши нага, ли голодна, ли, зимою ли бѣдою одержима, аще ти будетъ ли жидовинъ, ли сорочининъ, ли болгаринъ, ли еретикъ, ли латининъ, ли от поганыхъ, — всякого помилуі и от бѣды избави, яко же можеша, и мзды от Бога непогрѣшиши. Богъ бо и самъ нынѣ набдитъ поганяныя, яко же и крестьяныя; поганы[л. 102]мъ же и иновѣрнымъ въ семь вѣцѣ попеченье от Бога, въ будущемъ же чюжи будутъ добрыя дѣтели. Мы же живущи въ правовѣрнѣи вѣрѣ и здѣ есмь набдимы Богомъ и въ будущемъ вѣцѣ спасаеми Господемъ нашимъ Ісусъ Христомъ. Рече ми отецъ: чадо, аще ти ся лучитъ по вѣрѣ сеі святѣи Господа ради умрети, то с дерзновеньемъ не останиса правыя сея вѣры, нѣ умри за Христову вѣру. И святїи бо, рече, по вѣрѣ умроша, да и живи сущи по Христвѣ. Ты же, чадо, аще узриши нѣкїа иновѣрныя съ вѣрными проудѣюща і прельстїю хотяща отвести от правыя вѣры, невѣжамъ сущимъ вѣрнымъ, ты же вѣдѣние имый не скрый в собѣ, нѣ помози правовѣрнымъ на кривовѣрныя. И аще имъ поможеша, то яко овця избавиши от усть лвовъ. Аще ли умолчиши, то яко отемъ у Христа, прѣдаеши ихъ сотонѣ, — тѣ бо есть кривовѣрныя кривѣи вѣрѣ научилъ. И аще ти речеть прѣць: „Сию вѣру і ону Богъ даль есть“. — Ты же, чадо, рци: „То ты, кривовѣренъ, мниши ли Бога двовѣрна! Не слышиши ли, окаанне и развращене злою вѣрою, — Писанье тако глаголетъ: